

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Odbor za boračka/braniteljska i invalidska pitanja

Broj: _____

Sarajevo, 13.07.2016 god.

PREDSTAVNIČKI/ZASTUPNIČKI DOM PARLAMENTA FEDERACIJE BIH

Odbor za boračka i invalidska pitanja Predstavničkog/Zastupničkog doma na sjednici održanoj 13.07.2016. godine, prema jednoglasno utvrđenom redu razmatrao je sljedeću tačku dnevnog reda:

1. Razmatranje Rezolucije branilaca/branitelja (mjesečni branilački/braniteljski dodatak, Zakon o jedinstvenom registru pripadnika Oružanih snaga RBiH)

Sjednici je prisustvovala natpolovična većina članova Odbora, tako da je Odbor mogao punopravno odlučivati o predloženoj tački dnevnog reda.

IZVJEŠTAJ

Predsjednik Odbora za boračka/braniteljska i invalidska pitanja Esad Bašagić je obrazložio tačku dnevnog reda, te otvorio raspravu.

Prvi za riječ se javio Vlado Marušić ispred Zapadno Hercegovačke Županije koji je istakao da su oni imali dva zahtjeva: osiguravanje mjesečne naknade i primarne-zdravstvene i socijalne zaštite. Također je rekao da su se zalagali za formiranje jedinstvenog Registra branitelja za koji imaju plan odnosno rješenje kako da se pošteno i realno napravi. Obrazložio je da je osnovni uslov za dobijanje braniteljskog dodatka činjenica da branitelj ni po kojem osnovu nije ostvario finansijsku stabilnost i da takvih branitelja ima 70 000-80 000.

Drugi je imao riječ Drago Grabovac, koji je podržao stav Vlade Marušića te istakao da branitelji ništa nisu tražili 20 godina i da ne traže ništa retroaktivno, ali da zahtjevaju rok usvajanja, te izvršenja ove tačke do iduće sjednice. Njihov prijedlog je bio da se uplati 6 KM za svaki provedeni mjesec u vojsci. Smatra i da ima previše udruženja branitelja, te da treba skrenuti pažnju na formiranje tih udruženja. Zahtjevao je precizan rok usvajanja Rezolucije na koju branitelji nestrpljivo čekaju.

Armin Pličić, ispred Srednjobosanskog Kantona je zahtjevao da se Rezolucija iznese pred Parlament FBH i da se konačno zna da li će biti usvojena ili neće. Osvrnuvši se na stavove svojih prethodnika naglasio je da je izvodljivo formiranje fonda iz kojeg će biti izdvojena finansijska sredstva, npr. uvesti akcizu na električnu energiju koju proizvodimo i sl., jer je do sada uvijek bio problem što novca nema za ovu kategoriju branitelja. Također zahtjeva i donošenje Zakona o jedinstvenom Registru kojim bi bila izvršena kategorizacija branitelja.